

7 сентября 2014 года. Неделя 13 по Пятидесятнице. Глас 4.
Перенесение мощей ап. Варфоломея. Ап. от 70-ти Тита, еп. Критского.

ВСЕНОЩНОЕ БДЕНИЕ. КАНОН:

ПЕСНЬ 1:

КАНОН ВОСКРЕСНЫЙ. ГЛАС 4:

Ирмос: Моря черную пучину/ невлажными стопами/ древний пешествовав Израиль,/ крестообразными Моисеевыми руками// Амаликову силу в пустыни победил есть.

Припев: Слава, Господи, святому Воскресению Твоему.

Тропарь: Вознеслся еси на пречистем древе крестнем,/ наше отпадение исправляя,/ еже на древе исцеляя всегубительство, Владыко,// яко Благ и Всесилен.

Припев: Слава, Господи, святому Воскресению Твоему.

Тропарь: Во гробе плоти, во аде же с душею, яко Бог:/ в рай же с разбойником, и на Престоле был еси, Христе, со Отцем и Духом,// вся исполняя Неописанный.

Припев: Пресвятая Богородице, спаси нас.

Богородичен: Без семени Отчею волею/ от Божественнаго Духа Божия зачала еси Сына,/ и плотию родила еси:/ Иже из Отца без матери,// нас же ради, из Тебе без отца.

КАНОН БОГОРОДИЦЫ. ГЛАС 4:

Припев: Пресвятая Богородице, спаси нас.

Тропарь: Сотрясшася людие, смятшася языцы,/ царствия же державная уклоншася, Чистая, от страха рождества Твоего:/ прииде бо Царь мой, и низложит мучителя,// и мир от тли избави.

Припев: Пресвятая Богородице, спаси нас.

Тропарь: Жилище свое, живый в вышних,/ к человеку сошед, освяти Христе, и непоколебимо яви:/ Единая бо по рождестве девства сокровище,// Зиждителя рождши пребыла еси.

КАНОН АПОСТОЛА ВАРФОЛОМЕЯ. ГЛАС 4:

Припев: Святой апостоле Варфоломее, моли Бога о нас.

Тропарь: Пречестна каменя ты Живота Камень покажи,/ на немже созда Церковь Свою, Варфоломее, апостоле Господень.// Тем ты чтим и ублажаем.

Припев: **Святый апостоле Варфоломее, моли Бога о нас.**

Тропарь: Великим научился еси, сущим паче ума и смысла,/ Премудрость обрет
Ипостасную, объюродил еси еллинов мудрость,// умудрив концы Бо-
жественными учениями.

Припев: **Святый апостоле Варфоломее, моли Бога о нас.**

Тропарь: Мертвец погребенный, моря шественник был еси,/ Божественным пове-
лением повинуюся,// и, яко солнце к западу, от востока, апостоле, приспел
еси, просвещая его.

Припев: **Пресвятая Богородице, спаси нас.**

Богородичен: Полный истощается, Превечный начинается, от Девы Богоотроковицы
раждаемь,/ Егоже проповедал еси во двою существу,// во единой же ипо-
стаси, Богоблаженне.

КАНОН АПОСТОЛА ТИТА, ГЛАС 4:

Припев: **Святый апостоле Тите, моли Бога о нас.**

Тропарь: Всякими дарованьми обогативши тя благодать Духа,/ проповедника бо-
жественна апостола, в концы проповедающа, послá Слова воплощение,//
Тите преславне.

Припев: **Святый апостоле Тите, моли Бога о нас.**

Тропарь: Зарю божественных благодати приемь,/ облистал еси, яко солнце, пре-
мудре,/ сущим во тьме душам, яже просветил еси,// изымая неведения,
прелести работы избавляя, блаженне.

Слава Отцу, и Сыну, и Святому Духу.

Тропарь: Сый исполнен даров духовных,/ Павел премудрый на тя рукоположение
возлагает// и служителя, и божественна ученика, и веры проповедника
устраивает, Тите пречудне.

И ныне и присно и во веки веков, аминь.

Богородичен: Избавляя мирския концы прелести,/ возсия от Твоего чрева Господь, Бо-
гоневесто,// Егоже моли всегда спасти верою Тя, Дево, чтущия.

КАТАВАСИЯ, ГЛАС 8:

Хор: **Крест начертав, Моисей/ прямо жезлом Черное пресечет,/ Израилю
пешеходящу;/ тоже обратнo фараоновым колесницам, ударив, совоку-
пи,/ вопреки написав непобедимое оружие.// Тем Христу поим, Богу
нашему, яко прославися.**

ПЕСНЬ 3:

КАНОН ВОСКРЕСНЫЙ. ГЛАС 4:

Ирмос: **Веселится о Тебе Церковь Твоя, Христэ, зовущи:/ Ты моя крепость, Господи, // и прибежище, и утверждение.**

Припев: **Слава, Господи, святому Воскресению Твоему.**

Тропарь: **Древо животное, мысленный истинный виноград, // на Кресте висит, всем источая нетление.**

Припев: **Слава, Господи, святому Воскресению Твоему.**

Тропарь: **Яко велик, яко страшен, яко адово низложь шатание, // и яко Бог нетленен, ныне плотски воскресе.**

Припев: **Пресвятая Богородице, спаси нас.**

Богородичен: **Ты едина сущим на земли, / яже паче естества благих Ходатаица, / Мати Божия была еси: // темже Ти, радуйся, приносим.**

КАНОН БОГОРОДИЦЫ. ГЛАС 4:

Припев: **Пресвятая Богородице, спаси нас.**

Тропарь: **Очищается человеков существо, / Тобою присовокупльшеся нестерпимому Божественному Огню: / яко сокровенный, Пречистая Дево, в Тебе Хлеб испекшееся, // Иже и Тебе невреденно сохраншему.**

Припев: **Пресвятая Богородице, спаси нас.**

Тропарь: **Кая сия яже воистинну близ Бога; / яко превозшедши вся ангельския чины, / едина добротой девства, // яко Мати сияющи Вседержителя.**

КАНОН АПОСТОЛА ВАРФОЛОМЕЯ. ГЛАС 4:

Припев: **Святой апостоле Варфоломее, моли Бога о нас.**

Тропарь: **Крепко утешение ты обретоша, и свет, и лютых избавление, Варфоломее премудре, / иже прелестию содержимии и безбожия мраком умовредно обложеннии.**

Припев: **Святой апостоле Варфоломее, моли Бога о нас.**

Тропарь: **Уста был еси Бога Слова, / от уст волка лукаваго люди избавил еси, славне, // приводя к Зиждителю твоему банею Крещения, Варфоломее апостоле.**

Припев: **Святой апостоле Варфоломее, моли Бога о нас.**

Тропарь: **Языком твоим огненным попалив прелести вещь горькую, / оляденевшая, премудре, сердца обновил еси // и делати Небесныя разумы устроил еси.**

Припев: **Пресвятая Богородице, спаси нас.**

Богородичен: Из Тебѣ паче слова Бог Слово родитися благоизволи плотию, Девомати Чистая, // ученика избрав и служителя приснаго, Варфоломея славнаго.

КАНОН АПОСТОЛА ТИТА, ГЛАС 4:

Припев: Святыи апостоле Тите, моли Бога о нас.

Тропарь: Не мудростию обюроди той внимающия, / но разумом истинны ослепление, блаженне, душ отгнал еси, // притекающих к тебе.

Припев: Святыи апостоле Тите, моли Бога о нас.

Тропарь: Ояденевшую безбожия тернием бразду, всенаследие язык, / серпом Божественным очистил еси, // разума семена насев.

Слава Отцу, и Сыну, и Святому Духу.

Тропарь: Единою проповедая в Трех Лицах Божество, / отгнал еси мглу многобожия, блаженне, // к Божественному разуму приводя концы.

И ныне и присно и во веки веков, аминь.

Богородичен: Святейшу Ангелов и всея твари вышшу, / из Тебѣ плотию Родивыйся Ты содела, // темже Ты, яко Владычицу всех, почитаем.

КАТАВАСИЯ, ГЛАС 8:

Хор: Жезл во образ тайны приемлется, / прозябением бо предразсуждает священника; / неплодящей же прежде Церкви / ныне процветѣ Древо Креста // в державу и утверждение.

ЕКТЕНИЯ МАЛАЯ...

КОНДАК АПОСТОЛА ВАРФОЛОМЕЯ, ГЛАС 4, ПОДОБЕН: «ЯВИЛСЯ ЕСИ ДНЕСЬ»:

Явился еси велие солнце Церкви, / учений сиянием и чудесы страшными // просвещая поущия тя, Варфоломее, Господень апостоле.

Икос:

Якоже солнце многосветлое, прошед мир и сей лучами словес твоих просвещ, зашел еси, умер мученически, / и исходящими от гроба твоего сиянии тьму страстей отгнал еси. / Темже ты иже завистию одержимии, / и к западом солнца отгнавше, страстности, отпускают, по морю ходяща. / Узре же ся в тебе превелико чудо, от плавающего страшно глубины моря, // еже чудными освятися твоими шествованиями, Варфоломее, Господень апостоле.

КОНДАК АПОСТОЛА ТИТА, ГЛАС 2, ПОДОБЕН: «ВЫШНИХ ИЩА»:

Павлов явився собеседник, апостоле,/ с ним нам слово предвозвестил еси
Божественныя благодати,/ тайноглагольниче Тите приснопамятне./ Сего
ради вопием ти:// не престай моляся о всех нас.

СЕДАЛЕН АПОСТОЛА ВАРФОЛОМЕЯ, ГЛАС 3, ПОДОБЕН: «БОЖЕСТВЕННЫЯ»:

Богатство некрадомо Церкви,/ столп непоколебим благочестия, Варфо-
ломее, показался еси, апостоле,/ в мори же стезю творя, пучину Бо-
жественных источаеши исцелений, достославне.// Христа Бога моли даро-
вати нам велию милость.

Слава Отцу и Сыну и Святому Духу.

СЕДАЛЕН АПОСТОЛА ТИТА, ГЛАС 8, ПОДОБЕН: «ПРЕМУДРОСТИ»:

Якоже звезда с солнцем, ходил еси, преславне Тите, с Павлом,/ яве землю
просветисте, и тьму разористе,/ в Критстем же острове зашед, блаженне,
смертию,/ всем незаходимы оставил еси, яко заря, Богомудре, твоя болезни
и словеса,/ имиже просвещшися, благочестно ты чтим и согласно вопием
ти:/ моли Христа Бога грехов оставление подати// чтущим любовь свя-
тую память твою.

И ныне и присно и во веки веков. Аминь.

БОГОРОДИЧЕН ИЗ МИНЕИ, ГЛАС 8:

Яко Всенепорочная Невесто Творцу,/ яко Неискусомужная Мати Из-
бавителя,/ приятелище яко сущи Утешителя, Препетая,/ беззаконию мя
суща скверное обителище и бесом игралище в разуме бывша,/ потщися от
тех злодейства мя избавити/ и светлое жилище добродетелей соверши,
Светоносная, Нетленная,/ отжени облак страстей и Вышняго причастия
сподоби// и Света не вечерняго молитвами Твоими.

ПЕСНЬ 4:

КАНОН ВОСКРЕСНЫЙ, ГЛАС 4:

Ирмос: **Вознесена Ты видевши Церковь на Кресте,/ Солнце Праведное,/ ста в
чине своем,/ достойно взывающи:// слава силе Твоей, Господи.**

Припев: **Слава, Господи, святому Воскресению Твоему.**

Тропарь: **Возшел еси, страсти моя исцеляя, на Крест/ страстию Пречистыя плоти Тво-
ея,/ в нюже волею облелся еси./ Темже Ти взываем:// слава силе Твоей,
Господи.**

Припев: **Сла́ва, Го́споди, свято́му Воскресе́нию Твоему́.**

Тропарь: **Безгрешнаго смерть вкуси́вши, / Животворящаго Те́ла Твоего́, / досто́йно, Влады́ко, умертви́ся: / мы же вопие́м Ти, // сла́ва си́ле Твоей, Го́споди.**

Припев: **Пресвята́я Богоро́дице, спаси́ нас.**

Богородичен: **Неискусобра́чно родила́ еси́, Де́во, / и по рождестве́ яви́лася еси́ де́вствующи па́ки: / те́мже немол́чными гла́сы, / е́же ра́дуйся, Тебе́, Влады́чице, // ве́рою несумне́нною взыва́ем.**

КАНО́Н БОГОРО́ДИЦЫ, ГЛАС 4:

Припев: **Пресвята́я Богоро́дице, спаси́ нас.**

Тропарь: **Поживе́ с челове́ки, ви́димь быв Невиди́мый, / во зра́це сый Непости́жимаго Божества́, / и вообра́жся из Тебе́, Отрокови́це, в чужде́е, // ве́дущих Тя, Чи́стую Богома́терь, спаса́ет.**

Припев: **Пресвята́я Богоро́дице, спаси́ нас.**

Тропарь: **Прият в веще́ственне Де́ва Невеще́ственного, в прича́стии веще́ства, / Младенца́ от Нея́ бывша. / Те́мже во дву́ существу́, Еди́н познава́ется // плотоносе́ц Бог, и Челове́к Пресу́щественный.**

КАНО́Н АПО́СТОЛА ВАРФОЛОМЕ́Я, ГЛАС 4:

Припев: **Святы́й апо́столе Варфоломе́е, моли́ Бо́га о нас.**

Тропарь: **Рече́ния коне́ц прия́ша проро́ческая: / свет бо язы́ком в снабде́ние, богогласный по́йде учени́к, // просвеща́я вся вселе́нныя концы́.**

Припев: **Святы́й апо́столе Варфоломе́е, моли́ Бо́га о нас.**

Тропарь: **Заре́ю просвеща́емь богонача́льною, / Боже́ственным прича́тием, вторы́й свет яви́лся еси́, // служи́в перводе́тельно нас ра́ди Обнища́вшему плоти́ю, сла́вне.**

Припев: **Святы́й апо́столе Варфоломе́е, моли́ Бо́га о нас.**

Тропарь: **Изба́ви твоё ста́до грехо́вныя бу́ри, и бед, и скорбе́й сопроти́вных, // наставля́я нас при́сно ко приста́нищем, сла́вне, спаси́тельным, благода́тию.**

Припев: **Пресвята́я Богоро́дице, спаси́ нас.**

Богородичен: **Я́ко несказа́нное премно́гое бога́тство милосе́рдия ро́ждши несказа́нно, / обнища́вшия ны грехо́м, Пречи́стая, // Боже́ственными дарова́нии обогати́.**

КАНО́Н АПО́СТОЛА ТИТА, ГЛАС 4:

Припев: **Святы́й апо́столе Тите́, моли́ Бо́га о нас.**

Тропарь: **От сокро́вищ неисто́щимых почерп, всему́дре, / жа́дныя ра́зумы бога́тства и́стиннаго насы́тил еси́ / и умерщвле́нная сердца́ оживи́л еси́, // неразу́мия отгоня́я мглу́, всесла́вне.**

Припев: **Святы́й апо́столе Тите́, моли́ Бо́га о нас.**

Тропарь: Пáвлова тя мрѣжа промыслѣнием благодáти уловя́ет, Тíte, / хотя́ща усѣрдно по́слежде твоєю́ удицею́ сло́ва // язы́ки премно́гия извлещи́ от лѣстныхя́ глубины́ ко благочѣстию.

Сла́ва Отцу́, и Сы́ну, и Свято́му Ду́ху.

Тропа́рь: Сла́вному, я́коже а́гня, Божѣственному Пáвлу послѣдуя, / тѣжкия от среды́ во́лки, Богогла́се, отгна́л еси́, / идо́льския же хра́мы на зѣмлю низве́ргл еси́ // и хра́мы Бо́гу земно́родныя сотвори́л еси́.

И ны́не и прѣсно и во ве́ки веко́в, ами́нь.

Богоро́дичен: Свята́я Богоро́дица, сень нескве́рная, Све́та дверь, / трапе́за и ру́чка все-злата́я, несеко́мая гора́ и присѣнная, // я́ко вместѣившая Соде́теля, убла-жа́ется.

КАТАВА́СИЯ, ГЛАС 8:

Хор: Услы́шах, Го́споди, / смотре́ния Твоего́ та́инство, / разумѣх дела́ Твоя́ // и просла́вих Твое́ Божество́.

ПЕСНЬ 5:

КАНО́Н ВОСКРЕ́СНЫЙ, ГЛАС 4:

Ирмо́с: Ты, Го́споди мой, / Свет в мир пришѣл еси́, / Свет Святы́й, обраца́яй из мра́чна неведе́ния // ве́рою воспева́ющия Тя.

Припев: Сла́ва, Го́споди, свято́му Воскресе́нию Твоему́.

Тропа́рь: Ты, Го́споди, к земли́ ми́лостивно соше́л еси́: // Ты возне́сл еси́ па́дшее че-ловѣческое существо́, на дрѣве воздвиза́емь.

Припев: Сла́ва, Го́споди, свято́му Воскресе́нию Твоему́.

Тропа́рь: Ты взял ми еси́, Христе́, прегреше́ний осужде́ние: // Ты разруши́л еси́ бо-лѣзни сме́ртныя, Ще́дре, Божѣственным воскресе́нием Твои́м.

Припев: Пресвята́я Богоро́дице, спаси́ нас.

Богоро́дичен: Тя ору́жие непобеди́мое на враги́ предлага́ем, // Тя утвержде́ние, и наде́жду на́шего спасе́ния, Богоневѣсто, стяжа́хом.

КАНО́Н БОГОРО́ДИЦЫ, ГЛАС 4:

Припев: Пресвята́я Богоро́дице, спаси́ нас.

Тропа́рь: Дом Тя сла́вы, Го́ру Бо́жию Святу́ю, Чи́стая, / Невѣсту, Черто́г, Хра́м освя-ще́ния, / Сын Бо́жий, в Тя всели́вся, // и рай сла́дости присносу́щныя нам соде́ла.

Припев: Пресвята́я Богоро́дице, спаси́ нас.

Тропарь: **П**лоть от крове Девственныя приял еси, Христэ,/ Безсеменну, Пречисту,
Ипостасну,/ и словесну и умну, одушевленну,/ действенну, хотетельну,/
Самовладычну и Самовластну.

КАНОН АПОСТОЛА ВАРФОЛОМЕЯ, ГЛАС 4:

Припев: **С**вяты́й апо́столе Варфоломе́е, моли́ Бо́га о нас.

Тропарь: **Н**о́ги стяжа́в красны́ пропове́данием, всем благая́ благовести́л еси́,/ всем
мир, блаженне, пропове́дал еси́,/
вражды́ дре́вния отчужди́в Бо-
же́ственными учéнии Спа́са, апо́столе.

Припев: **С**вяты́й апо́столе Варфоломе́е, моли́ Бо́га о нас.

Тропарь: **С**ло́во твоё цельба́ бысть приёмшим змия́ яд смертоно́сный, Варфоломе́е,/
земля́ же паде́ся нечестивых проро́чески,/
вещанием премудрых учений твоих.

Припев: **С**вяты́й апо́столе Варфоломе́е, моли́ Бо́га о нас.

Тропарь: **М**ертвѣц многоднѣвный, жизнь источая́ независтную,/ хребты́ но́сим
морскими, Варфоломе́е, с Божественными мученики,/
безмерныя пучины
проше́д, во остров Липарский устремился еси́, апо́столе.

Припев: **П**ресвята́я Богоро́дице, спаси́ нас.

Богородичен: **И**стинно сла́влю Тя, Божию Ма́терь Пречистую,/ радуя́ся, Тебе́ зову́, яко
А́нгел, Благословенная Обра́дованная,/ слы́шание и глаго́лание стра́шно,/
странно приятелище Влады́це твѣри.

КАНОН АПОСТОЛА ТИТА, ГЛАС 4:

Припев: **С**вяты́й апо́столе Тите́, моли́ Бо́га о нас.

Тропарь: **С**мердящую уста́вил еси́ злобы́ я́зву язы́ком, блаженне, душ,/ сла́дкою
со́лию Божественных словес твоих,/
якоже врач изряден и яко благода́ти
служитель.

Припев: **С**вяты́й апо́столе Тите́, моли́ Бо́га о нас.

Тропарь: **П**авла велением повиную́ся крѣтко,/ с ним поднебесную обходи́ши, пре-
мудре,/
сло́во ра́зума благовесту́я, богопроповѣднице всечестне.

Сла́ва Отцу́, и Сы́ну, и Свято́му Ду́ху.

Тропарь: **Р**авноде́тельна, Единопресто́льна Сло́ва Отцу́ научая́,/ якоже мудр, Богог-
ла́се, повинул еси́ суетумудрия// идо́льскую всю лесть отринути.

И ны́не и прѣсно и во ве́ки веко́в, ами́нь.

Богородичен: **Ч**истую чистым почтѣм умом, добро́ту Иа́ковлю,/ Божественными
дея́ньми удобря́еми, благочестно воспоѣм,/
яко Ма́терь Бо́га на́шего.

КАТАВА́СИЯ, ГЛАС 8:

Хор: **О** треблаженное Древо,/ на немже распяся Христос, Царь и Господь!/
Имже паде древом прельстивый,/ тобою прельстився,/ Богу пригвоз-
дившуся плотию,// подающему мир душам нашим.

ПЕСНЬ 6:

КАНО́Н ВОСКРЕ́СНЫЙ, ГЛАС 4:

Ирмос: **Пожру́** Ти со гласом хваления, Господи,/ Церковь вопиет Ти,/ от бе-
совския крове очищися/ ради милости от ребр Твоих// истекшею
Кровию.

Припев: **Сла́ва, Господи, святому Воскресению Твоему́.**

Тропарь: **Возше́л** еси на Крест, силою препоясався,/ и соплется с мучителем, яко
Бог, с высоты свергл еси,// Адама же непобедимую силою воскресил еси.

Припев: **Сла́ва, Господи, святому Воскресению Твоему́.**

Тропарь: **Воскре́сл** еси блистаяйся красный из гроба, Христэ,/ и разгнал еси вся
враги Божественною силою Твоею,// и вся, яко Бог, веселия исполнил еси.

Припев: **Пресвятая Богородице, спаси нас.**

Богородичен: **О** чудо всех чудес новейшее!/ Яко Дева во утробе, всяческая обдер-
жащаго// неискусомужно зачэнши, не тесновместы́.

КАНО́Н БОГОРО́ДИЦЫ, ГЛАС 4:

Припев: **Пресвятая Богородице, спаси нас.**

Тропарь: **Дре́вле** убо прельсти мя змий, и умори мя,/ праматерию мою́ Евою://
ныне же, Чистая, Тобою создавый мя из истления воззва́.

Припев: **Пресвятая Богородице, спаси нас.**

Тропарь: **Бездна** Тя бездну неизреченно,/ благоутробия Отроковице, избранную
показа́ чудес:/ ибо из Тебе молниєю Божества,// бисер Христос возсия́.

КАНО́Н АПО́СТОЛА ВАРФОЛОМЕ́Я, ГЛАС 4:

Припев: **Святы́й апосто́ле Варфоломе́е, моли́ Бо́га о нас.**

Тропарь: **Заря́** солнца, возсиявшего миру, плотию был еси,/ светонóсными твоими
учении, апосто́ле,// отгоняя ночь лести многобожную.

Припев: **Святы́й апосто́ле Варфоломе́е, моли́ Бо́га о нас.**

Тропарь: **Людем** Божие спасение уяснил еси, плоти подобием явльшагося// за
многую бла́гость, Варфоломе́е, проповедниче языков и апосто́ле.

Припев: **Святы́й апосто́ле Варфоломе́е, моли́ Бо́га о нас.**

Тропарь: **Путь** моря́ имел еси и стези́ в водах сотворил еси,/ и позна́шася твоя́ в сих

стопы́ Духом, // якоже Давид проречё, блаженне апостоле.

Припев: Пресвятая Богородице, спаси нас.

Богородичен: Храм славы была еси и дверь Света явилася еси, / гора присенная, знаменьями пророческими певаяма, // Дево Мати Богорадованная.

КАНОН АПОСТОЛА ТИТА, ГЛАС 4:

Припев: Святы́й апостоле Тите, моли́ Бóга о нас.

Тропарь: Пáвел, мiра невечернее солнце, / ты, якоже зарю, испущает светолучну, блаженне, // яже во тьме неразумия сидящая сердца просвещаяща. *(Дважды)*

Сла́ва Отцу́, и Сы́ну, и Свято́му Духу.

Тропарь: Вод животочных сый исполнен, / струями Божественных учений потоки, блаженне, неразумия потопляеши, // напоая языков совокупления.

И ны́не и при́сно и во ве́ки веко́в, ами́нь.

Богородичен: Поют роди родов Тя, Всепетая: / препетое бо Слово Божие родила еси паче слова, // Егоже славят и человечести и Ангельстии чини.

КАТАВАСИЯ, ГЛАС 8:

Хор: Воднаго зверя во утробе / длани Иона крестовидно распростер, / спасительную Страсть проображаше яве. / Тем, тридневен изшед, / премирное Воскресение прописаше / Плотию пригвожденнаго Христа́ Бóга // и тридневным Воскресением мир просвещшаго.

ЕКТЕНИЯ МАЛАЯ...

КОНДАК ВОСКРЕСНЫЙ, ГЛАС 4:

Спас и Избавитель мой / из гроба, яко Бог, воскреси от уз земнородных, / и врата адова сокруши, / и яко Владыка // воскресе тридневен.

ИКОС:

Воскресшаго из мертвых Христа́ Жизнодавца тридневна из гроба, / и врата́ смертная днесь сокрушшаго силою Своею, / и ада умертвившаго, и жало смертное стёршаго, / и Адама со Евою свободившаго, / воспойм вси земнороднии, вопиюще хвалу прилежно: // Той бо яко Един Крепкий, Бог и Владыка, воскресе тридневен.

ПЕСНЬ 7:

КАНОН ВОСКРЕСНЫЙ, ГЛАС 4:

Ирмос: В пещи́ Авраамстии отроцы персидстей, / любовьию благочестия паче, / нежели пламенем, опаляеми, взываху: // благословен еси в храме славы Твоея, Господи.

Припев: **Сла́ва, Го́споди, свято́му Воскресе́нию Твоему́.**

Тропарь: **К** нетлению челове́чество призва́ся, / Божественно́ю измовено́ Кро́вию Христо́вою, благода́рно воспева́ющее: // благода́рен еси́ в хра́ме Сла́вы Твоея́, Го́споди.

Припев: **Сла́ва, Го́споди, свято́му Воскресе́нию Твоему́.**

Тропарь: **Я́**ко Живонóсец, я́ко рая́ красне́йший / вои́стинну, и черто́га вся́кого ца́рскаго показáся светле́йший, Христé, гроб Твой, // исто́чник на́шего воскресе́ния.

Припев: **Пресвята́я Богоро́дице, спаси́ нас.**

Богородичен: **В**ы́шняго освяще́нное Божественно́е селе́ние, ра́дуйся, / Тобо́ю бо даде́ся ра́дость, Богоро́дице, зову́щим: / благода́рена Ты в жена́х еси́, Всенепоро́чная Влады́чице.

Кано́н Богоро́дицы, глас 4:

Припев: **Пресвята́я Богоро́дице, спаси́ нас.**

Тропарь: **П**ривлачи́т мя к пе́нию любóвь де́вственная́ огонь, / и́же в се́рдцы, вопи́ти Ма́тери и Де́ве: // Благослове́нная, Госпо́дь си́лам с Тобо́ю.

Припев: **Пресвята́я Богоро́дице, спаси́ нас.**

Тропарь: **П**ревы́ши тва́ри яви́лася еси́, / я́ко Творца́ рóждши и Го́спода. / Те́мже Ти вопи́ю, Богоро́дице: // Благослове́нная, Госпо́дь си́лам с Тобо́ю.

Кано́н апо́стола Варфоломе́я, глас 4:

Припев: **Святы́й апо́столе Варфоломе́е, моли́ Бо́га о нас.**

Тропарь: **Об**ьюродéвшее злóбою, пресла́вне, челове́чество, / сла́дкою со́лию исцели́л еси́ словéс твои́х и пéти уве́рил еси́: // препéтый отце́в Госпо́дь и Бог, благода́рен еси́.

Припев: **Святы́й апо́столе Варфоломе́е, моли́ Бо́га о нас.**

Тропарь: **Я́**ко не́бо превысо́ко, быв, сла́ву Бо́жию мы́сленно высóким гла́сом проповéдуеши, / я́ко Божественный апо́стол, Ему́же зове́м: // препéтый отце́в Госпо́дь и Бог, благода́рен еси́.

Припев: **Святы́й апо́столе Варфоломе́е, моли́ Бо́га о нас.**

Тропарь: **И**зтка́в Божественны́я благода́ти ри́зу, блаже́нне, / оде́ял еси́ обнаже́нныя лю́те злóбою зми́я и пéти уве́рил еси́: // препéтый отце́в Госпо́дь и Бог, благода́рен еси́.

Припев: **Пресвята́я Богоро́дице, спаси́ нас.**

Богородичен: **П**редста́тельница Ты и сте́ну необори́мую обогати́вшея, Богоро-

дительнице Чистая, / раби Твоя, всегда верою вопием Ти: // радуйся, Мосте, к Богу преводяй от земли, Благословенная.

КАНОН АПОСТОЛА ТИТА, ГЛАС 4:

Припев: **Святый апостоле Тите, моли Бога о нас.**

Тропарь: **Единое Божество пети, Единое Господство чтити Тит научая человеки, / многобожного неистовства измени благочестно взывающия: // благословен Бог отец наших.**

Припев: **Святый апостоле Тите, моли Бога о нас.**

Тропарь: **Умерщвленные душою, бездушную чуждая вещь, / умерщвленного нас ради Животодавца Бога познаша, // тобою наказуеми, учениче и тайнове- щателю неизреченных.**

Слава Отцу, и Сыну, и Святому Духу.

Тропарь: **Яко истины служитель, лжи отгонитель явился еси / и, яко Павлов ученик, гонения и беды претерпел еси, с ним поя, славне: // благословен Бог отец наших.**

И ныне и присно и во веки веков, аминь.

Богородичен: **Испещрена добродетельми, Всецарю предстала еси одесную, / от Твоих воплощена кровей, Безвестная, // прилежно молящи избавитися нам от всякия нужды.**

КАТАВАСИЯ, ГЛАС 8:

Хор: **Безумное веление мучителя злостыяго люди поколеба, / дышущее прещение и злохуление богомерзкое, / обаче три отроки не устраши ярость зверская, / ни огонь снаяй, / но противодышущу росонбному Духу, / со огнем суще, пояху: // препетый отец и нас Боже, благословен еси.**

ПЕСНЬ 8:

КАНОН ВОСКРЕСНЫЙ, ГЛАС 4:

Ирмос: **Руце распростер Даниил, / львов зияния в рове затче, / огненную же силу угасиша, / добродетелию препоясавшися, / благочестия рачители, отроцы, взывающе: // благословите, вся дела Господня, Господа.**

Припев: **Слава, Господи, святому Воскресению Твоему.**

Тропарь: **Руце распростер на Кресте, языки вся собрал еси, / и единому явил еси, Владыко / Церковь воспевающую Тя, земную и небесную, согласно поющим: / благословите вся дела Господня, Господа, // пойте и превозносите Его во веки.**

Припев: **Сла́ва, Го́споди, свято́му Воскресе́нию Твоему́.**

Тропарь: Белообра́зен яви́ся жена́м,/ непристу́пным све́том воскресе́ния блиста́йся А́нгел,/ что Жива́го во гробе́, вопи́я, и́щете я́ко ме́ртва;/ войсти́нну воста́ Христо́с, Ему́же вопи́ем:/ вся дела́ по́йте Го́спода,// и превозно́сите во вся ве́ки.

Припев: **Пресвята́я Богоро́дице, спаси́ нас.**

Богородичен: Ты Еди́на во всех ро́дех, Де́во Пречи́стая,/ Ма́ти яви́лася еси́ Бо́жия:/ Ты Божества́ была́ еси́ жили́ще, Всенепоро́чная,/ не опа́льшися огне́м Непристу́пнаго Све́та.// Те́мже вси Тя благослови́м, Мари́е Богоневе́сто.

КАНО́Н БОГОРО́ДИЦЫ, ГЛАС 4:

Припев: **Пресвята́я Богоро́дице, спаси́ нас.**

Тропарь: От ребра́ Ада́мова созда́вый Тя,/ от Твоего́ де́вства воплоти́ся, И́же всех Госпо́дь,/ Егóже пою́ще, вопи́ем:/ вся дела́ благослови́те, по́йте Го́спода,// и превозно́сите Егó во ве́ки.

Припев: **Пресвята́я Богоро́дице, спаси́ нас.**

Тропарь: В се́ни Авра́ам узре́, е́же в Тебе́, Богоро́дице, та́инство,/ Сы́на бо Твоего́ Безплóтнаго при́ят, по́я:/ вся дела́ благослови́те, по́йте Го́спода,// и превозно́сите Егó во ве́ки.

КАНО́Н АПО́СТОЛА ВАРФОЛОМЕ́Я, ГЛАС 4:

Припев: **Святы́й апо́столе Варфоломе́е, моли́ Бо́га о нас.**

Тропарь: Стру́ями наводня́емь Боже́ственными,/ я́коже из Еде́ма река́, изше́л еси́/ напо́йти подсо́лнечную учéнии тво́ими и прелéстныя во́ды изсуша́я благода́тию,// Го́спода по́йте, – зовы́й, – и превозно́сите Егó во ве́ки.

Припев: **Святы́й апо́столе Варфоломе́е, моли́ Бо́га о нас.**

Тропарь: Сло́во, я́ко боже́ственна богосло́ва словéс вы́шших научи́в тя,/ я́коже стрелу́ небéсную, ми́ру послá,/ уязвля́я собо́ры вра́жия, сла́вне,// и спаса́я ве́рою пою́щия и превозно́сящия егó во ве́ки.

Припев: **Святы́й апо́столе Варфоломе́е, моли́ Бо́га о нас.**

Тропарь: Искáпая, я́коже гора́ яви́лся еси́, Боже́ственную сла́дость, достохва́льне,/ мо́ре же имéл еси́ стезю́ по сме́рти, Боже́ственными си́лами пла́вая,// сегó непотопля́емь пучи́ною, тя дорино́сящим, до́блйи страда́льче.

Припев: **Пресвята́я Богоро́дице, спаси́ нас.**

Богородичен: Зако́нов естества́ утай́вшись, и ражда́еши и пребыва́еши Присноде́ва:/ Сло́во бо родила́ еси́, Челове́ка бы́вша за премно́гую бла́гость,/ Ему́же вси зове́м:// Го́спода по́йте, дела́, и превозно́сите Егó во ве́ки.

КАНОН АПОСТОЛА ТИТА. ГЛАС 4:

Припев: **Святый апостоле Тите, моли Бога о нас.**

Тропарь: Кроплением кровей твоих угасе огонь прелести чуждй,/ недужи отгнашася, демони исчезоша к Богу мольбою твоєю, Тите апостоле.// Тем ты, яко угодника божественна Всецаря Христа, восхваляем.

Припев: **Святый апостоле Тите, моли Бога о нас.**

Тропарь: Весь Богу освящен и Божественными украшен, Тите, благодатьми,/ слово спасительное всем уяснил еси, безсловесия, всеумудре, нас избавльшее,// верую истинною благословящих и превозносящих Христа во веки.

Благословим Отца и Сына и Святаго Духа Господа.

Тропарь: Света чистейшее приятелище быв,/ просветил еси подсолнечную Божественными сияньми, Тите досточудне,/ и омрачил еси сопротивления беззаконующих враг,// Господа поя и превознося во вся веки.

И ныне и присно и во веки веков, аминь.

Богородичен: Оружие древле обращаемое, плещи, Дево, ныне мне дает,/ яко Слово родила еси, плотию обложено и во двою естеству разумеваемо,// Егоже трепещут ангельстии чини и славословят земнии во веки.

КАТАВАСИЯ, ГЛАС 8:

Хор: **Хвалим, благословим, покланяемся Господеву, поюще и превозносяще во вся веки.**

Благословите, отроцы,/ Троицы равночисленнии,/ Содетеля Отца Бога,/ пойте снишедшее Слово/ и огонь в росу претворшее/ и превозносите всем жизнь подающего// Духа Всесвятаго во веки.

Диакон: Богородицу и Матерь Света в песнях возвеличим.

ПЕСНЬ ПРЕСВЯТОЙ БОГОРОДИЦЫ:

Хор: **Величит душа Моя Господа,/ и возрадовася дух Мой о Бозе Спасе Моём.**

Честнейшую Херувим/ и Славнейшую без сравнения Серафим,/ без исления Бога Слова рождшую,/ сущую Богородицу, Ты величаем.

Яко призре на смирение рабы Своея,/ се бо от ныне ублажат Мя вси роди.

Честнейшую...

Яко сотвори Мне величие Сильный,/ и свято Имя Его, и милость Его в роды родов боящимся Его.

Честнейшую...

Сотвори державу мышцею Своею,/ расточи гордыя мыслию сердца их.

Честнейшую...

Низложѣ сѣльнѣя со престолѣ, и вознесѣ смиреннѣя;/ ѡлчущѣя исполни благ, и богатѣющѣя отпусти тщи.

Честнѣйшую...

Восприят Израїля ѡтрока Своего, помянути мѣлости,/ ѡкоже глагола ко отцемъ нашимъ, Аврааму и семени его, даже до века.

Честнѣйшую...

ПЕСНЬ 9:

КАНОН ВОСКРЕСНЬИЙ. ГЛАС 4:

Ирмос: **К**амень нерукоосечный/ от несекомыя горы Тебѣ, Дѣво,/ краеугольный отсечѣся,/ Христосъ, совокупивый разстоящая естества.// Темъ веселящѣся Тя, Богородице, величаемъ.

Припев: **С**лава, Господи, святому Воскресению Твоему.

Тропарь: **В**сего мя восприѣл еси весь в совокупленіи неслѣтно,/ всему ми дая, Бже мой, Спасение страсти Твоею,/ юже на Крестѣ претерпѣл еси телесне,// благоутрѣбѣя ради многаго.

Припев: **С**лава, Господи, святому Воскресению Твоему.

Тропарь: **Т**вой ученицы зряще отвѣрзен гробъ Твой,/ и богоносныя плащаницы испражнены воскресениемъ Твоимъ,// с ангеломъ глаголаху: воистинну воста Господь.

Припев: **П**ресвятая Троице, Бже наш, слава Тебѣ.

Троичен: **Е**динице ѡбо Божественнаго Существа, но Ипостасьми Троице,/ вси вернии поклоняющѣся,/ в неслиянныхъ Ипостасехъ Равносильную Единичестную// ныне благочтуще величаемъ.

КАНОН БОГОРОДИЦЫ. ГЛАС 4:

Припев: **П**ресвятая Богородице, спаси насъ.

Тропарь: **З**рим ѡко кринъ Тя, ризою обагренною украшену, Пречистая, Божественнаго Духа,/ посреде терния сияюще, и благоуханія исполняюще,// ѡже Тебѣ искренно величающихъ.

Припев: **П**ресвятая Богородице, спаси насъ.

Тропарь: **Т**ленное приимъ человеческое естество из Твоего, Всенепорочная, чрева Нетленного,/ в Себѣ показавъ нетленно, за благоутрѣбие:// темже Тя, ѡко Богородицу, величаемъ.

КАНОН АПОСТОЛА ВАРФОЛОМЕЯ. ГЛАС 4:

Припев: **С**вятыи апостоле Варфоломее, моли Бога о насъ.

Тропарь: Приводит праздник памяти твоея днесь апостольский лик,/ мученицы радуются и праведных всех чинове./ Вернии же, песньми тя почитаем и вопием:// от всякия нас печали, ученииче Христов, избави.

Припев: **Святы́й апо́столе Варфоломее, моли́ Бо́га о нас.**

Тропарь: Крестом блаженную кончину, славне, прием,/ сообразен был еси страстем Учителя твоего/ и причастник светлости и Божественных славы,// присно со Ангелы Тому предстои и неизреченного света сподобляемь.

Припев: **Святы́й апо́столе Варфоломее, моли́ Бо́га о нас.**

Тропарь: Пресветлая и Благонарочитая память твоя нам возсия,/ всех просвещаящи, Христов самовидче, Варфоломее мудре, в нейже молим тя:/ помяни всех нас,// супротивления всякаго и обстояния молитвами твоим нас избавляя.

Припев: **Пресвятая Богородице, спаси нас.**

Богородичен: Умертви наша плотская мудрования, Богородительнице Чистая,/ устави страстей наших бурю, утиши смущение,/ и помышленьми утверди Божественными, Чистая, сердца верою чтущих Тя,// Предстательнице наша непостыдная.

КАНОН АПОСТОЛА ТИТА, ГЛАС 4:

Припев: **Святы́й апо́столе Тите, моли́ Бо́га о нас.**

Тропарь: Всю твою ко Избавителю нося и любовь и надежду,/ влечет спутника Павел, с тобою священное Евангелие языком проповедуя, апостоле.// Темже с ним тя почитаем.

Припев: **Святы́й апо́столе Тите, моли́ Бо́га о нас.**

Тропарь: Недуги отгониши верных, демоны прогоняеши Божественною благодатию./ Крит, великий град, первопрестольника тя стяжа божественна,// светильника же и зарю небесную, Тите Богомудре и достохвальне.

Слава Отцу, и Сыну, и Святому Духу.

Тропарь: Яко солнце, возсия нам память твоя,/ зарями духовными всесветло украшена, облаки душ отгонящи,// юже верою творящая нас сохраняй, Тите всеблаженне и достохвальне.

И ныне и присно и во веки веков, аминь.

Богородичен: Пленницы прегрешений моих, Чистая, разреши ходатайством Твоим, Всенепорочная,/ разори тьму души моея, бурю страстей моих утиши,/ все бо рующия мя сокруши// и спаси мя, Владычице Приснодево.

КАТАВАСИЯ, ГЛАС 8:

Хор: Таин еси, Богородице, рай, / невозделанно возрастивший Христа, /
Имже крестное живоносное на земли насадися Древо. / Тем, ныне
возносиму, // поклоняющиеся Ему, Ты величаем.

ЕКТЕНИЯ МАЛАЯ...

Диакон: Свят Господь Бог наш.

ЕКСАПОСТИЛАРИЙ ВОСКРЕСНЫЙ ВТОРОЙ:

Камень узревша отвален, мирносицы радовахуся, / видеша бо юношу се-
дяща во гробе, / и той тем рече: се Христос востал есть, / рците с Петром
учеником: / на гору приспейте Галилейскую, тамо вам явится, // якоже
предрече другом.

Слава Отцу и Сыну и Святому Духу.

СВЕТИЛЕН АПОСТОЛОВ, ПОДОБЕН: «НЕБО ЗВЕЗДАМИ»:

Света приятелища, непременныя зарй невечерняго дне, / светолучныя
молнии, Варфоломея и Тита, вернии, славим вси.

И ныне и присно и во веки веков. Аминь.

БОГОРОДИЧЕН ВОСКРЕСНОГО ЕКСАПОСТИЛАРИЯ:

Ангел убо принесе Деве, еже радуйся, / прежде Твоего зачатия, Христэ,
Ангел же камень отвали гроба Твоего, / вместо печали ов убо радости неиз-
реченныя знамения, / ов же в смерти место подателя Ты жизни проповедуя
и величая, // и глаголя воскресение женам, и тайнником.